

Mbanjbyavang:

## Mbanjmoq Gvanghfuz Swnghdai Yienghgingj Gyaeundei

风景秀美的光伏生态新村岫旺屯

Youhlanz

Daj gwanz bo yawj aenmbanj gyaeundei.



▲ Faqciengz gyaeujmax yienh-ok vwnzva "naz".



▲ Roensuijiz bu haeuj gyang mbanj.



▲ Luenggroen aenmbanj daeg-saek yienhda.



▲ Ranzlaeuz moq baenz baiz baenz coij ndeyawj raeuh.

Geij bi neix daeuj, Mbanjbyavang ingbaengh rangh guhyiengh hongsaeh dingdaemx ietnangq, cinghab swhyenz, lai yiengh caez guh, haenqrengz laebbaenz aen mbanjmoq gvanghfuz swnghdai "hongsaeh dingdaemx, lajmbanj guhyiengh, vunzlai souh' ik, dieg ngamj vunz youq, hongsaeh aenmbanj ngaendoengh, hongnaz lijyouz yungzhab" neix, aeundaey cinggyauq ndei.

Mbanjbyavang dwg aen mbanj Vangcungh Cunh Cwngzsiengh Cin Lungzanh Yen, diegyouq baihoengnamz yienhsingz Lungzanh, liz Namzningz Baksak gauhsuz goengloh diegokroen Siujlinz 3 goengleix gyae, dwg gizdieg cungqgyang rangh guhyiengh haedsim nungzyez ciuhneix — Aensuen Swnghdai Naednaed Haeux Guengjsae (Yinghli Gvanghfuz fatdient hanghmoeg), sam mbiengj bya hophumx, doenghnaz naj mbanj gvangqyub, seiqhenz mbanj faexgeq daengjroeb, yienghgingj gyaeundei. Mbanjbyavang lizsij haemq nanz, daj ciuhgeq couh yawjnaek doegsaw sonsaw, Ciuhcingh ok le boux yiengsawq daih' it mingz "gaijyenz" gvaq. Daengx mbanj seizneix miz 74 ranz 294 vunz, miz reihnaz 2400 moux, sam bi gonq miz dingz lai gaeng riuzcienj hawj gunghswh doengjit dajndaem, vunzmbanj sou ngaenzco lij haeuj gunghswh dajgoeng, souhaeuj bi beij bi lai.

Bi 2015, Mbanjbyavang ndaej lied guh Namzningz Si mbanj-guhyiengh cunghab, haiguh cungj mozi hwngfat "mbanj gvanghfuz"—ingbaengh aeu rengz hongsaeh dingdaemx Rangh Guhyiengh Gvanghfuz Swnghdai Nungzyez (Haedsim) Vangcungh Lungzanh Yen, ndaw yienh cinghab cienzngaenz 3870 fanh maenz, saedhengz hwnjguh ranzmoq, goenggungh boiqdauq sezsih, gij gingj ngonzyawj daengj 15 aen hanghmoeg, guh ranzlaeuz moq 55 aen, cienhoengz, vax mong, dingjranz lingq, faqciengz gyaeujmax gij yiengh ranzlaeuz neix yienh-ok le daegsaek vwnzva "naz", gwanz dingj ranz ancang miz gvanghfuz fatdient hidungj doedok le gohgi ciuhneix, leihyungn ndatndit gvanghfuz fatdient, gij dient ndaej gaeuq ndaw ranz yungn, lw roengzdaeuj cix "gai" hawj dienhuengx canhngaenz. Doengzseiz, lij coih ndei aen ranz gaeuq bak bi ndeu, guh raemxuq cawqleix sezsih, hawjraemx baizraemx daengj gunghcwngz, lij guh le ranzcunhsij, daizheiq, gvangjcangz, lanzgiuzcangz, luengqhongh "gaijyenz", giuzbingzan, cingjeih Huzyezyaz hawj raemx saw, hopheux aen huz bu roen rinmaxluenx, roen hopheux aenmbanj, bu roensuijiz gyang mbanj, ndaw mbanj rog mbanj ndaem faex, guh laeuzcunghab goenggungh fugsah daengj, hwngfat swnghdai lijyouz, "nungzgyahloz" daengj hongsaeh, cauxguh aen gingidenj bya heu raemx saw aenmbanj gyaeundei ndeu, cungj ginghci baenqgvax nungzyez moq "reihnaz ndaem byaek gve, gwanz dingjranz fatdient" dox giethab, comz nwnzyenz moq, ndaemganq yauqik sang, nungzyez gohbuq, youqndwi yawj gingj youq giz ndeu neix, hawj vunz raen le roxnyinh singisien dangqmaz, aen mbanj moq swnghdai lijyouz yienghmbanj gyaeundei, dieg ngamj vunz youq ndeu okyienh youq baihnaj vunzlai lo.



▲ Suen gvanghfuz swnghdai nungzyez henz mbanj lwenqda lai.



▲ Seiqhenz aenmbanj faexgeq daengjroeb.



▲ Gvangjcangz naj ranz fugsah cungsim.



▲ Ranzlaeuz moq youq ndaw raemh faex loq raen loq mbouj raen.



▲ Ranzcunhsij louz roengz rizdin aenmbanj.